

bem Sacramenti ideam, habuisse olim Ecclesiam; nullamque proinde defectionis suæ ab Ecclesia Matre Novatores ipsos excusationem habere.

PROPOSITIO PRIMA:

Eandem Sacramenti ideam, quam hodie habemus, habuit olim Ecclesia.

§. V. **E**T si ante S. Augustini tempora vix nullus sive inter Patres, sive inter Ecclesiasticos Scriptores sit, qui claram & distinctam Sacramenti notionem, quam Catholica Ecclesia, veritatis columna, fideique Magistræ profitetur, nobis expresse transmiserit: scrupulum tamen Novatoribus difficultas ista movere non debet, si bona fide advertere velint, cum V. C. *Claudio Fleury*, *Moshemio*, & aliis solidioris critices Scriptoribus (a), eam prioribus sæculis fuisse Ecclesiæ disciplinam, ut de re Sacramentaria, non nisi cum Fidelibus in Ecclesia, dimissis etiam Catechumenis, Episcopi colloquerentur (b). Extra omnem dubitationis aleam hoc est; quare si eandem Sacramenti ideam hodie habent Catholico-Romani, quam habuit Ecclesia tempore S. Augustini (quo tempore Ecclesiam non adhuc a vera fide aberrasse { utro fatentur Novatores } causam procul dubio vicimus; atqui ita se rem habere paucis demonstramus. Primo quidem *Sanctus Doctor lib. 19. contra Faustum c. 11. asserit*: „ Non posse homines in Religionis sive veræ, sive falsæ societatem coire, nisi per aliqua sensibilia

(a) Audiamus verba ipsius *Claudii Fleury de moribus Christ. C. XII.* „ Nelle stesse adunanze (versio est *Canturani*, ob versiones suas tota fere Europa celeberrimi) Nelle stesse adunanze si davano TUTTI GLI ALTRI SACRAMENTI, per quanto era possibile; e perciò ne venivano esclusi con tanta sollecitudine gl' infedeli. Conciossiachè osservavasi inviolabilmente quel precetto del Salvatore (*Matth. 7.*) di non dare le cose sante ai cani, e le margherite ai porcelli. Di là viene, che i Sacramenti si dinominavan Misteri, cioè a dire, cose nascoste, e vi si osservava una inviolabile segretezza. Nascondevansi non solo agl' infedeli, ma ai Catecumeni &c.

(b) Excipe Sacramentum Baptismi, de cuius virtute, post magis impositionem (nam impositione manus, ut ex Concilio Illiberitano constat, Catechumeni fiebant) Catechumenos ipsos a Patribus adoceri, res ipsa postulabat.